

Konačno, ako ste se uspjeli prijaviti na host-sistem i raditi neko vrijeme u Demand modu, stručnjak za održavanje programske opreme Vam nije više potreban i možete početi primjenjivati svakodnevnu proceduru rada s Emulatorom.

2.2. SVAKODNEVNA PROCEDURA

Prije nego što pokrenete rad Emulatora morate load-ati driver UT: te instalirati DMR i DMT. Rezidentnu biblioteku (DMR) morate instalirati u vlastitu particiju, dok driver možete (HCR-komandom) load-ati i na kraj systemske particije (GEN). Ako se veza uspostavlja preko birane telefonske linije, treba modem prebaciti na rad za prenos podataka nakon load-anja driver-a, a prije nego što se aktivira Demand mode. Preporučamo da Emulator pokrećete i zaustavljate uvijek standardnom procedurom, pozivom indirektnih komandnih file-ova, kreiranih u toku generiranja:

- ŽS1,2CDMDSTART.CMD - za pokretanje Emulatora
- ŽS1,2CDMDSTOP.CMD - za zaustavljanje Emulatora

Ukoliko za zaustavljanje Emulatora ne koristite navedenu komandnu proceduru, preporučamo da svaki put prije zaustavljanja Emulatora izdate zahtjev za statistiku (DMN /ST:0) na hard-copy terminalu i taj ispis spremate. Takav postupak će vam omogućiti da neke greške efikasnije otklonite.